


有部毘奈耶雜事

卷一

貴一

三百廿三

4997b



Vertical seal impression with Chinese characters.

根家說一切有部毗奈耶雜事卷第一 貴

唐三藏法師 義淨奉 制譯

此雜事四十卷中摠有八門以大門一頌攝

盡宏網一一門中各有別門摠攝乃有八頌

就別門中各有十頌合九十頌并內攝頌向

有并行若能讀誦憶持者即可摠聞其義大

門摠攝頌

甄石及牛毛 三衣并上座 舍利猛獸筋

笈多尼除塔

別門第一摠攝頌曰

甄揩剪爪鉢 鏡生支躡衣 水羅生豆殊

洗足裙應結



第五門弟子攝頌曰

甄楷石白土 牛黃香益眼 打柱等諸線
瓔珞印應知

今時薄伽梵在廣嚴城狝猴池側高閣堂中
時六衆苾芻於日初分執持衣鉢欲入廣嚴
城次第乞食去城不遠有栗姑毗子園其處
清閑華果茂盛流泉交帶好鳥和鳴如天帝
釋歡喜園內中有種種解勞之具復有奇絕
音樂器等并有勲香澡浴雜物是時六衆共
相謂曰難陀鄔波難陀比聞此園可愛世尊
常讚如三十三天我等試觀有何形勝六衆
議已共入園中便見種種長短木杵麁細諸

雅及大小石此等皆擬擊持戲弄令身運動

散滯蠲痼能銷飲食又見奇絕笙篴琴瑟諸

鼓音樂之具復有勳香洗浴之物浮輒澡豆

芬馥餘耳餘耳子出廣州堪沐髮持用揩身

并將塗髮能令髮白更黑六衆見已共相謂

曰此諸樂具足暢憂情我等今於用力勞宜

歌舞洗浴先作何事一人告曰我等多時不

為澡浴宜可先洗作是議已俱共入池即取

浮輒用揩身體此六苾芻並多奇巧所有技

藝無不善知若洗浴時以輒揩體便出種種

五樂音聲如彼技人吹彈擊拊時有衆人從

此而過疑其奏樂側耳俱聽各相謂曰栗姑

毗園盛陳歌舞我等宜可暫往觀瞻衆皆言
尔即便相與競入園中衆人入時六衆便出
問言聖者作音樂人今在何處答曰汝等愚
人有耳聽聲心迷好惡豈有樂人能作如是
奇妙音聲問言聖者向所聞聲是誰所作答
言賢首汝所聞者即是我等洗浴之時以甄
揩身出斯音曲答言聖者仁等沙門亦有五
欲惱身心耶報言癡人我等不惱餘人自受
欲樂無廢修道斯有何過汝豈我師作斯譏
耻宜應默尔勿招禍患彼聞生怖緘口而行
入廣嚴城於四衢道各生誼議互共譏嫌時
諸苾芻聞已白佛佛作是念苾芻洗浴以甄

揩身有斯過失由是苾芻不應以軌揩身為
洗浴事若揩身者得越法罪佛既不許以軌
揩身時諸苾芻脚有塵垢並生皴裂入乞食
時諸人見已作如是語聖者脚生皴裂復多
塵垢何不揩淨作醜形儀答言賢首世尊不
許彼言仁等身有垢穢豈清淨耶苾芻默然
既得食已還歸住處以緣白佛佛告諸苾芻
前是剎制今乃隨開我今聽諸苾芻以軌揩
足非餘身分若揩餘處者得越法罪是時六
衆見不許軌便用浮石佛言此亦得越法罪
緣處同前諸苾芻日初分時執持衣鉢入城
乞食見諸婆羅門以自三指點取白土或以

白灰抹其額上以爲三畫所有乞求多獲美
好六衆見已共相謂曰是善方便我等宜作
遂於他日額爲三畫入城乞食不信之人見
而笑曰我今跪拜六衆報曰汝等愚人不闌
禮式誰合跪拜誰當敬禮彼人荅曰我等但
知見老婆羅門即去跪拜若見苾芻便去敬
禮若如是者見我苾芻何不敬禮而去跪拜
荅言聖者我見仁等面有三畫謂婆羅門非
苾芻也我等無知幸當容恕六衆默然
尔時諸苾芻聞已白佛佛作是念若有苾芻
面作三畫有如斯失是故苾芻作三畫者得
越法罪

佛言苾芻不應以白土作三畫者苾芻有患
醫師處方白土塗身苾芻不敢以綠白佛佛
言前是拘制此是隨開醫人處方遣塗身有
可隨醫教作之無犯

佛在室羅伐城六衆苾芻於日初分執持衣
鉢入城乞食見諸婆羅門以牛黃點額所有
乞求多獲美味見是事已共相謂曰是好方
便我等宜作遂於他日以牛黃點額入城乞
食不信之人見其點額輕笑而言我今跪拜
我今跪拜諸有問荅並如上說我見仁等面
有牛黃以白莊飾謂婆羅門非苾芻也我等
無知幸當容恕六衆默然時苾芻聞以綠白

佛佛作是念若有苾芻牛黃點額以自莊飾
有斯過失由是苾芻不應牛黃點額若有作
者得越法罪

佛遮牛黃點額時有苾芻額有惡瘡往問鑿
言賢首爲我處方鑿人荅曰聖者於瘡四邊
以牛黃塗之即當得差苾芻報言世尊制戒

不許牛黃塗額鑿人荅曰聖者汝師大慈有
病必許以緣白佛佛吉諸苾芻前是初制今
更隨開除爲病緣及以鑿教得用牛黃若輒
作者得越法罪

緣處同前六衆苾芻身著塗香入年少衆中
告言年少汝等可輿我香何如諸人荅言豈

可上座身著塗香報言我著彼云上座塗香
俗飾豈合著耶荅曰從合不合我今已作彼
咸輕賤皆共譏嫌時諸苾芻以緣白佛佛作
是念苾芻身著塗香有斯過失由是苾芻不
應身著塗香若有著者得越法罪

如佛所說不著塗香時有苾芻身嬰患苦往
鑿人處問言賢首爲我准病而作方藥報言
聖者可著塗香當得平復荅言賢首豈令我
今受欲樂耶報言聖者此是病藥非餘能差
苾芻白佛佛言我今開許醫人處方塗香非
犯時病苾芻身著塗香入衆中坐與婆羅門
居士等說法或往俗舍人見譏嫌時諸苾芻

以緣白佛言塗香苾芻所有行法我今當
制若諸苾芻身著塗香不應入衆坐亦不爲
婆羅門居士等說法亦不往俗家若苾芻病
差方可洗身隨意入衆亦得爲他諸人說法
此之行法不依行者得越法罪
時有信心婆羅門居士等將塗香來施諸苾
芻苾芻不受諸居士等言聖者佛未出時我
等諸人悉以外道爲修福處今佛出世我以
仁等爲大福田所持供養如何不受豈令我
等棄善資糧趣於後世願降慈悲受我微施
苾芻報曰待我問佛時諸苾芻以緣白佛佛
言當受苾芻受已對此人前棄之於地施主

報言聖者我等貴價買來如何棄擲時諸苾
芻以緣白佛佛言不應受得對施主輕棄可
於如來制底之前塗地供養如佛所說當於
制底前塗地供養者時諸苾芻受斯香已於
髮爪塔前手塗供養施主見已作如是語聖
者我豈不知有塔供養意施仁等其佛塔前
我先奉訖苾芻白佛佛言受得香已塗在房
中彼便用塗住房門扇時彼諸人謂是佛殿
即便禮拜佛言不應尔遂塗門傍還同前過
佛言當塗頭邊壁版之上時鼻嗅但是香物
嗅時令人眼明勿致疑惑尔時世尊在室收摩
羅山任恐畏林鹿園之所時菩提王子造鳥

鳴樓初成就已爲申慶讚請佛及僧就舍設
食卅尊至宅於其樓下與諸大衆就座而食
時鄔波難陀正於食時便以自手打其樓柱
令樓震動時供養人報言聖者菩提王子新
造此樓用百一種彩畫雕飾何意仁者欲爲
損破鄔波難陀荅曰貧寒人菩提於此起愛
著心命終之後當墮何處汝復於此更生愛
著命終之後落大癭鬼中彼人間已極致譏
嫌時諸苾芻以緣白佛佛作是念苾芻打柱
有斯過失由是苾芻不應以手打柱違者得
越法罪佛言不應以手打柱六衆即便以拳
肩背脚并諸瓠石打令搖動復生譏議招過

同前佛言隨是何物皆不應打是時六衆復打牆打地佛言設是餘物皆不應打違者得越法罪緣處同前六衆苾芻日初分時執持衣鉢入城乞食見諸婆羅門身著梵線乞食之時多得美味共相謂曰難陀鄔波難陀我今得好方便身安梵線乃於他日便著梵線入城乞食有不信人見其梵線遂生輕賤作如是語我今跪拜問荅同前乃至時諸苾芻白佛佛作是念苾芻著梵線有斯過失由是苾芻不應著線若有著者得越法罪緣處同前六衆乞食見諸婆羅門以妙香花莊嚴形體將五色線繫之於臂得諸飯食旣

飽食已形貌充溢從舍而出六衆相謂難陀
鄔波難陀是好方便我等可爲便於他日以
五色線繫於臂上入城乞食諸婆羅門等見
生輕賤云我今跪拜六衆譏弄廣說同前乃
至諸苾芻白佛佛作是念若諸苾芻以五色
線繫臂有斯過失由是苾芻不應以五色線
繫臂若有繫者得越法罪佛既不許繫臂線
者時有苾芻身嬰患苦詣鑿人處問言賢首
我身有疾幸爲處方荅言聖者取五色線呢
之繫臂必得除愈報曰世尊不聽彼言仁之
大師慈悲爲本病緣開許理所不疑時諸苾
芻白佛佛言我今聽諸苾芻爲病因緣醫人

教者繫線無犯佛許以線繫臂苾芻安在右
臂肘前還有譏過佛言不應尔遂安肘後佛
言不應復繫左手肘前佛言不當繫左手
肘後苾芻由此遂便病愈以所繫線隨處棄
擲非人見之皆起嫌賤報言聖者由其線結
繫我名字緣此呪故令得病除今生輕慢苾
芻白佛佛言不應隨處棄擲若其身病未得
可者繫之衣角如若平復可於牆柱隙中隨
意安置

緣處同前六衆乞食見諸俗人有莊嚴具瓔
珞之屬時彼苾芻取諸瓔珞手足之釧莊飾
其身共相謂曰莊嚴好不時諸俗旅調言聖

者頭上剃髮腋下毛長何處得有莊嚴妙好
豈非仁等爲欲染所纏六衆默尔苾芻白佛
佛作是念苾芻身著瓔珞有斯過失由是苾
芻不應著諸瓔珞莊嚴手足若故著者得越
法罪

緣處同前時有賊來盜僧庫藏并及私物爲
無記驗苾芻不知何時失物佛言苾芻可畜
其印是時六衆便以金銀琉璃水精玉石而
作其印於指環上以寶莊飾見諸俗人即便
捨手呈示指環願言仁等無病長壽諸俗問
言指上何物荅言賢首此是指印佛所開許
俗人譏笑作如是語沙門釋子爲憍慢事衆

寶嚴飾為指環印非真沙門非婆羅門諸苾芻聞已白佛佛言苾芻不應著指環及寶莊飾應用五種物為印所謂鍮石赤銅白銅牙角六衆印上刻作男女行非法像諸俗見譏仁等沙門尚有染欲心耶苾芻白佛佛言凡印有二種一是大衆二是私物若大衆印可刻轉法輪像兩邊安鹿伏跪而住其下應書元本造寺施主名字若私印者刻作骨鎖像或作髑髏形欲令見時生厭離故

第一門第二子攝頌曰

剪爪髮揩光

春時食小果

渴聽五種藥

廣說大生緣

緣處同。前時給孤獨長者為佛及僧造逝多林住處。施大衆已。告剃髮人曰。汝今可往逝多林園。為諸聖衆剃除鬚髮。彼人受教。即往園中。是時六衆遙在寺門。看望不絕。時鄔波難陀在寺門前。經行來去。遙見剃髮人來告。言善來善來。賢首猶如初月。一何希現。彼言聖者長者遣來。為衆剃髮。問言。汝解剪爪甲不。荅言。聖者此是我業。報曰。汝來試看。工巧其人。即剪尊者舒手工。人曰。聖者欲如何剪。賢首如稻穀形。彼即如言。又云。應作人頭形。或如剃刀勢。或如斧刃。或如半月。隨尊者教。彼悉為作。後便告白。汝愚癡人。詐言巧妙。一

無所知宜可平截。放余急去。乃至日暮方始。言歸。曛黃之後。至長者處。長者問曰。汝與幾人剃除鬚髮。荅曰。何暇得與大眾除髮。官長苾芻。鄔波難陀。令我除甲。作種種形勢。廣說如前。乃至日暮。纔蒙放出。更欲何為。長者聞已。遂起嫌心。雖於善說法律出家。而心不寂靜。苾芻聞已。白佛。佛作是念。苾芻剪甲。有如是過。由是苾芻不應剪爪。若有違者。得越法罪。佛既不許剪爪。時諸苾芻。指甲皆長。俗人見之。問言何故爪長。如是荅曰。世尊不許報曰。長留爪甲。豈為淨耶。以緣白佛。佛言。前是制。今更隨開剪爪之法。有其二種。一如剃。

刀形二如斧刃勢

緣處同前給孤長者令剃髮人入寺爲衆剃
髮廣說如前乃至問言汝解磨指爪甲不荅
言聖者此是我業報曰汝來試看先作黃色
次作赤色又作白色更作金色隨所教者悉
皆爲作彼便告曰汝愚癡人詐言巧妙一無
所解宜可平磨放尔急去至長者處乃至更
欲何爲長者聞已更起嫌心廣說如上苾芻
聞已白佛佛作是念苾芻磨爪有如是過由
是苾芻不應磨爪若有違者得越法罪佛旣
不許苾芻磨爪苾芻染衣或復黑鉢爪有垢
生形色醜惡持鉢乞食俗人見時作如是語

聖者何故指爪不淨彼以事荅報言聖者何
不除刮荅言世尊不許報曰爪上持垢豈是
清淨以緣白佛佛言若除垢時應可磨甲不
應為好指使光生

佛在王舍城其影勝王發如是念每至春秋
節變新穀初果必先奉佛及諸聖衆後方自
食時彼大臣以新熟菴沒羅果此果大如桃
而生熟難知有四種差別不同菴摩洛迦大
如酸棗唯堪為藥奉上大王王曰可持此果
先奉佛僧臣便微笑王曰卿何故笑對曰大
王謂臣未奉佛衆已先奉訖王曰恐卿不知
由是因緣我今奉施聖衆千樹果林對曰此

誠妙事。臣實隨喜。即便以千樹果林奉施。四方一切聖衆并設大會慶讚福田。此林昔時結果極繁。假使摩竭阇國所有人衆大聚會時共食斯果亦皆充足。及以此林放僧伽已時。諸苾芻見果小時氣味香美。悉皆敢食。遂令都盡。有餘國王要須此果。便令使者詣影勝王處求菴沒羅。彼告使曰。我有果林已施僧衆。汝今可往隨衆乞求。使者往竹林園是時。六衆常在寺門遙看無闕。時鄒波難陀門所經行使者既至。禮尊者足。白言。聖者我是某國王使。王遣我來求菴沒羅果仁。若有者幸見分張。鄒波難陀報使者曰。汝今可往詣。

果園所隨欲多少任意將去使至林所周遍
觀察唯覩空條竟無一果遂便還白空林無
果鄔波難陀即將使者共詣林中遍觀察已
報曰汝可昇此高樹使者即上既不見果又
告曰汝向東枝南西北枝悉皆令上彼遍昇
上竟無所得遂便下樹問言聖者豈此樹林
今歲無果報言賢首猶如往年結子今歲亦
然若如是者今年風雨令子落耶荅言不尔
問曰何無荅曰此果小時我等食盡時彼使
人還至王所以事具白王曰善哉我本期心
令聖衆食彼使悒然辭歸本國時摩竭陀國
因有大會衆人聚集問苾芻曰聖者何故今

年千樹果林咸不結子。荅言：賢首非不結實，乃至我等食盡，報言：聖者比來此果成熟之時，摩竭阇境所有人衆，食皆充足，只由仁等從小食盡，遂令無果。斯非善事。荅曰：此之果林，王不與汝國內諸人，但奉僧衆，由是共食。斯何過焉？時諸人衆聞是語，已共生嫌恥。沙門釋子尚不知足，況我俗流。苾芻白佛：佛作是念，由其食果有斯過失，故諸苾芻不應食果。若食者，得越法罪，如佛所言，不應食果。時有信心長者，將小菴沒羅香果來施。苾芻芻芻，芻報曰：佛不聽食。諸長者言：佛未出時，我等諸人悉以外道而爲福田，廣說如上。乃至慈

悲受我微施諸苾芻白佛佛言至核鞭時食
之無犯復有信心長者以熟菴沒羅果來施
苾芻廣說如前乃至受我微施時諸苾芻不
敢受食以緣白佛佛言核鞭已後乃至於熟
悉皆應食勿起疑心緣在室羅伐城時有苾
芻身嬰患苦到醫人所報言我有如是病苦
幸為處方醫人報曰宜可服酥令身潤膩已
當施與瀉痢之藥彼復服酥復患於渴醫來
問曰聖者好不荅言賢首我更患渴醫曰持
餘甘子苾芻手把醫見問曰渴得除未荅言
未除醫曰聖者豈可不持餘甘子耶荅曰現
在手中報言可者口中即便置口他日醫復

來問渴得可未答曰今猶未可醫曰豈不口中持餘甘子答曰已在口中應可嚼之報曰世尊不許醫曰世尊大悲必應垂許苾芻白佛佛言應嚼嚼已外棄不敢咽下渴猶不除醫曰何不咽汁報言非時食者世尊不許以緣白佛佛言我今聽許有五種果若病無病時與非時食之無犯如佛所言有五種果若病無病時與非時食無犯者苾芻不知云得為五佛言所謂餘甘子梵云菴摩洛迦此六餘甘子有與上菴沒羅全別為聲相濫惑之故訶梨勒毗醯勒畢鉢梨為注出是掌中觀者胡椒此之五藥有病無病時與非時隨意皆食勿致疑惑

